

TONSILOTREN tabl

Country

BA FB FO ETI PIL TU

Dimensions

210x148 mm

Date of creation

22.07.2022

Last update / Correction

20.03.2023

Color

■ schwarz

Scripture

Pragmatica

Minimum font size

8 pt

Conf. Brand Manager

Elena Rudenko 28/03/2023

First name, Surname, Date

Conf. Manufacturer

Michael Hertel 23.03.23

First name, Surname, Date

Conf. Reg. Affairs

First name, Surname, Date

UPUTSTVO ZA PACIJENTA

TONSILOTREN

(12,5 mg + 10 mg + 50 mg + 5 mg + 25 mg) tableta

Atropinum sulfuricum trit. D5, Hepar sulfuris trit. D3, Kalium bichromicum trit. D4, Silicea trit. D2, Mercurius bijodatus trit. D8

Prije primjene ovog lijeka pažljivo pročitajte cijelo uputstvo, jer sadrži Vama važne informacije.

Uvijek uzimajte ovaj lijek kako je opisano u ovom uputstvu ili kako Vam je to rekao Vaš ljekar ili farmaceut.

- Sačuvajte ovo uputstvo. Možda će biti potrebno da ga ponovo pročitate.
- Ukoliko imate potrebu za dodatnim informacijama ili Vam je potreban savjet, obratite se svom farmaceutu.
- Ako Vam se javi bilo koje neželjeno dejstvo, obratite se svom ljekaru ili farmaceutu. Ovo uključuje i moguća neželjena dejstva koja nisu navedeni u ovom uputstvu. Pogledajte dio 4.
- Obratite se sa svom ljekaru ako Vam se nakon dva dana stanje ne poboljša ili ako se Vaše stanje pogorša.

Sadržaj ovog uputstva

1. Šta je TONSILOTREN i za šta se koristi
2. Šta morate znati prije nego počnete koristiti TONSILOTREN
3. Kako se koristi TONSILOTREN
4. Moguća neželjena dejstva
5. Kako se čuva TONSILOTREN
6. Sadržaj pakovanja i dodatne informacije

1. Šta je TONSILOTREN i za šta se koristi

TONSILOTREN je homeopatski lijek za liječenje akutnog i hronično ponavljajućeg tonzilitisa (upale krajnika), uvećanih krajnika kod djece i za liječenje nakon operativnog uklanjanja krajnika.

TONSILOTREN, kombinacija pet dobro dokazanih homeopatskih pojedinačnih ljekovitih supstanci, posebno je pogodan za liječenje upala limfnih čvorova koji okružuju grlo, kao što je npr. akutni faringitis, akutna kataralna ili tonzilarna angina, ali i nakon hirurškog uklanjanja krajnika (tonzilektomija). *Atropinum sulfuricum* ovdje razvija svoj puni učinak u početnim grozničavim fazama sa jarko crvenim, gorućim grlom i otečenim krajnicima, kao i pojačanim, stalnim nagonom za gutanjem. Preostale četiri komponente lijeka TONSILOTREN dopunjuju se u liječenju subakutnih do hroničnih stanja često praćenih pojačanim stvaranjem sluzi. *Mercurius bijodatus* posebno je prikladan za dekongestiju natečenih faringealnih i nepčanih krajnika, kao i limfnih čvorova oko ždrijela. *Hepar sulfuris* pozitivno utiče na uporne i ponavljajuće upale, kao i probadajuće bolove koji se šire u uši.



Trajni procesi s poteškoćama u gutanju i uvećani krajnici i polipi reagiraju na *Kalium bichromicum*. *Silicea* ubrzava saniranje upala i smanjuje osjetljivost pacijenta na infekcije, stimulirajući imunološki sistem. Sveukupno, zahvaljujući sinergijskom učinku koji pruža njegovih pet aktivnih supstanci, TONSILOTREN osigurava efikasnost u svim fazama upale, od početnih tegoba do saniranja hroničnih, ponavljajućih stanja. TONSILOTREN je takođe dokazao svoju kliničku vrijednost u liječenju uvećanih krajnika.

2. Šta morate znati prije nego počnete koristiti TONSILOTREN

Nemojte koristiti lijek TONSILOTREN

- ako ste alergični na hrom, živu ili na neku od aktivnih supstanci ili na bilo koji drugi sastojak lijeka (naveden u dijelu 6).
- kod djece mlađe od 2 godine.

Upozorenja i mjere opreza

Obratite se svom ljekaru prije primjene ovog lijeka ako imate oboljenje štitaste žlijezde.

Obratite se svom ljekaru ako se:

- Vaše akutno stanje ne poboljša ili se pogorša u prva dva dana liječenja,
- pojave dodatni simptomi, npr. ako je tjelesna temperatura iznad 39°C.

Djeca

Primjena lijeka TONSILOTREN nije odobrena za upotrebu kod djece mlađe od 2 godine.

Uzimanje drugih lijekova sa lijekom TONSILOTREN

Nema poznatih interakcija sa drugim lijekovima.

Kažite svom ljekaru ili farmaceutu ako koristite, ste do nedavno koristili ili postoji mogućnost da ćete koristiti bilo koji drugi lijek.

Uzimanje hrane, pića i alkohola sa lijekom TONSILOTREN

Loše životne navike, kao i stimulansi ili alkohol i duhan, mogu negativno uticati na dejstvo homeopatskog lijeka.

Trudnoća i dojenje

Prije nego što počnete da koristite neki lijek, posavjetujte se sa svojim ljekarom.

Upravljanje vozilima i rad na mašinama

TONSILOTREN nema uticaja na sposobnost upravljanje motornim vozilom i rukovanje mašinama.

TONSILOTREN sadrži laktozu (mliječni šećer) i saharozu.

Ako Vam je ljekar rekao da ne podnosite neke šećere, obratite se svom ljekaru prije upotrebe ovog lijeka.

3. Kako se koristi TONSILOTREN

Uvijek koristite ovaj lijek tačno onako kako je opisano u ovom uputstvu ili kako Vam je to objasnio Vaš ljekar ili farmaceut. Ako niste sasvim sigurni, provjerite sa svojim ljekarom ili farmaceutom. Preporučena doza je:



TONSILOTREN tabl

Country
BA FB FO ETI PIL TU

Dimensions

210x148 mm

Date of creation

22.07.2022

Last update / Correction

20.03.2023

Color

 schwarz

Scripture

Pragmatica

Minimum font size

8 pt

Conf. Brand Manager

First name, Surname, Date

Conf. Manufacturer

First name, Surname, Date

Conf. Reg. Affairs

First name, Surname, Date

Odrasli: u *akutnim stanjima*, 1 tableta se uzima svaki sat, do najviše 12 tableta dnevno, dok ne nastupi poboljšanje. U *nastavku terapije* ili *hroničnim stanjima* treba uzimati 1 do 2 tablete tri puta dnevno.

Primjena kod djece

Djeca uzrasta od 2 do 6 godina: kod *akutnih stanja* i u *nastavku terapije* ili kod *hroničnih stanja* treba uzimati po 1 tabletu 3 puta dnevno.

Djeca od 6 do 12 godina: kod *akutnih stanja* treba uzimati po 1 tabletu na svaka 2 sata, do najviše 6 tableta dnevno, dok ne nastupi poboljšanje. U *nastavku terapije* ili kod *hroničnih stanja* treba uzimati po 1 tabletu 3 puta dnevno.

Djeca uzrasta 12 godina i stariji: kod *akutnih stanja* treba uzimati po 1 tabletu na svaki sat, do najviše 12 tableta dnevno, dok ne nastupi poboljšanje. U *nastavku terapije* ili kod *hroničnih stanja* treba uzimati 1 do 2 tablete 3 puta dnevno.

Odrasli i djeca s *uvećanim krajnicima* uzimaju 1 tabletu 3 puta dnevno. Preporučeno je nastaviti tretman 6 do 8 sedmica.

Kod *hroničnih* i *hronično-recidivirajućih* stanja, dobro se pokazala ponovljena terapija više puta godišnje po 6 do 8 sedmica.

Tabletu ostavite da se lagano rastopi u ustima.

Kod male djece tablete se mogu smrviti i rastvoriti u malo vode.

Ovaj lijek nemojte uzimati istovremeno sa hranom i pićem. Napravite razmak između doze lijeka i konzumiranja hrane i pića od najmanje pola sata.

Ako uzmete više TONSILOTREN tableta nego što ste trebali

Nema štetnih efekata u slučaju predoziranja.

Ako ste zaboravili uzeti TONSILOTREN

Ne uzimajte dvostruku dozu da biste nadoknadili propuštenu.

Ako prestanete uzimati lijek TONSILOTREN

Ne očekuje se štetno djelovanje.

U slučaju bilo kakvih nejasnoća ili pitanja u vezi s primjenom ovog lijeka obratite se svom ljekaru ili farmaceutu.

4. Moguća neželjena dejstva

Kao i svi drugi lijekovi, i TONSILOTREN može izazvati neželjena dejstva, premda ne kod svih. U vrlo rijetkim slučajevima mogu se javiti reakcije preosjetljivosti kao što je kožni osip. U tim slučajevima obratite se svom ljekaru.

U slučaju pojačanog lučenja pljuvačke, treba smanjiti dozu lijeka ili prekinite uzimati TONSILOTREN.

Napomena: Tokom primjene homeopatskih lijekova može doći do prolaznog pogoršanja postojećih tegoba (inicijalno homeopatsko pogoršanje). U takvim slučajevima, prekinite terapiju lijekom TONSILOTREN i konsultujte se sa svojim ljekarom.



Prijavlivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. Kako se čuva TONSILOTREN

Ovaj lijek čuvajte izvan dohvata i pogleda djece.

Lijek nemojte koristiti poslije isteka roka trajanja navedenog na blisteru i pakovanju. Rok trajanja se odnosi na posljednji dan navedenog mjeseca.

Lijek čuvajte na temperaturi do 25°C.

Lijek nemojte bacati u kanalizaciju ili kućni otpad. Upitajte svog farmaceuta kako ukloniti lijekove koje više ne trebate. Ove mjere će pomoći u zaštiti okoline.

6. Sadržaj pakovanja i dodatne informacije

Šta TONSILOTREN sadrži:

- 1 tableta sadrži sljedeće aktivne supstance: Atropinum sulfuricum trit. D5 12,5 mg; Hepar sulfuris trit. D3 10 mg; Kalium bichromicum trit. D4 50 mg; Silicea trit. D2 5 mg; Mercurius bijodatus trit. D8 25 mg
- Ostali sastojci: sahara, laktoza monohidrat, magnezij stearat.

Kako lijek TONSILOTREN izgleda i sadržaj pakovanja

Bijele ili skoro bijele, ravne tablete sa fasetom, povremeno mogu biti blago prošarane. Blisteri od PVC i aluminijske folije sa po 20 tableta. 40 tableta u kartonskoj kutiji s uputstvom za pacijenta.

Režim izdavanja lijeka

Lijek se izdaje bez ljekarskog recepta.

Ime i adresa proizvođača lijeka (administrativno sjedište)

Dr. Gustav Klein GmbH & Co. KG
Steinfeld 3, 77736 Zell am Harmersbach,
Njemačka

Ime i adresa proizvođača gotovog lijeka

Dr. Gustav Klein GmbH & Co. KG
Steinfeld 3, 77736 Zell am Harmersbach,
Njemačka

Ime i adresa nositelja dozvole za stavljanje u promet gotovog lijeka

Alpen Pharma d.o.o.
Husrefa Redžića 9, 71000 Sarajevo
Bosna i Hercegovina

Broj i datum rješenja o dozvoli za stavljanje gotovog lijeka u promet

04-07.3-1-2879/21 od 02.12.2022.god.

